

Mini Carnaval na Juni 1988

ORANJESTAD(AAN) — Oficina di Turismo ta publica participantenan di carnaval 1988 pa warda nan head-body pieces y trahenan di carnaval pa coopera den e mini-carnaval, organiza den luna di Juni 1988.

Ta asina cu ariba e dianan di 12 te cu 18 di Juni Aruba lo ta cede pa e

"Caribbean Hotel Industry Conference (CHIC). E conferencia organiza pa e Oficina di Turismo, AHATA y otro instancia nan local, lo tin un asistencia di aproximadamente 600 paisnan participante.

Un di e eventonan di CHIC '88 lo ta sin duda e mini-carnaval, cu lo ta algo

similar na esun di aña pasa, cual a resulta un exito total. Por menciona cu e participantenan den e conferencia a keda impresion cu e cooperacion di e pueblo di Aruba. Esaki pa motibo cu e impacto tabata uno masha grandi y a dicidi pa ripiti e evento ariba menciona durante e aña coriente.

Yuda tene Aruba limpi durante Carnaval

ORANJESTAD(AAN) — Fin di e siman aki lo tuma lugar e gran parada di Carnaval tanto na San Nicolas como na Oranjestad. Gobierno ta expresa su gran deseo pa tur habitante disfruta di e carnaval no. 34 y ta conta cu e apoyo moral di tanto mirones como participantenan pa yuda tene e cayanan limpi, en especial durante y despues di carnaval.

Teniendo na cuenta cu

carnaval di Aruba ademas di ta un atraccion turistico tambe ta un manifestacion cultural pa medio di cual e jovennan ta demonstra nan talentonan creativo ariba diferente tereno e.o. cultural y pa e aña aki cu mas enfasis ambiental.

Mirones, participantenan y tur esnan cu ta goza di e carnaval for di den un trailer ta ser pidi pa percursa di tin den nan

poder un saco di plastic pa deposita tur desperdicio.

E comision lo otorga un premio special pa e localidad mas limpi despues di e paradanan menciona na unda tabata tin un trailer staciona banda di caminda.

Evita comentarionan negativo cu por afecta e futuro desaroyo socio-economico, en particular e industria turistico.

Pa un Aruba limpi!!

ORANJESTAD(AAN) — Na tur grupo cu ta participa den e parada di Carnaval y e publico cu ta disfruta di e parada banda di caminda, comision di limpieza ta haci un apelacion fuerte pa ambos partido percursa pa deshaci adecuadamente di e sushinan manera saco, papel botter, bleki, paper plates, forki di plastic,

cups resto di cuminda etc. den un saco di plastic y deposita esaki sea den un drum of transporte y bente na dump (Parkietenbos).

Den caso cu esnan cu den e trailernan banda di caminda no tin un toilet chemical sea asina bon pa staciona un trailer na un sitio unda cu ta sigur cu por haci uso di


uno.

Ta recorda un y tur cu un buraco di tres a cuatro pia ta necesario pa ur. w.c temporalmente traha na conveniencia di esnan cu ta desea di haci nan necesidadnan. Tene cuenta cu esaki mester ser debidamente tapaa despues pa evita situacionnan inhygienico.

Tene cuenta cu esaki mester ser debidamente tapaa despues pa evita situacionnan inhygienico.


RECOMENDACIONAN NA E PUEBLO CARNAVALESCO EN GENERAL.

1. NO TIRA SUSHI ABAO !



SEMPER TIR'E DEN BARI(NAN).

2. NO SUSHA NATURALEZA ILEGALMENTE !



TRANSPORTA E SUSHI NA DUMP (PARKIETENBOS) OF YAMA SERLIMAR...45080/ 46152

Reglanan pa participante nan den parada

1. Reuni na tempo, pa asina e marcha por sali na tempo. Sigui orden di polis y SAC estricto.
2. Percursa pa e conexion entre bo trailer of carosa y e vehiculo cu ta lastre ta adecuado.
3. Percursa pa tirenar di bo trailer ta bon. Corda ariba spare-tire. E carosanan mester ta construi adecuadamente.
4. Percursa pa bo tin un container cu awa (pa radiator) cos pa paga candela, un bleki di azeta y herment necesario pa reparacionnan chiquito.
5. Percursa pa gasolin no mester caba cu bo na caminda di e ruta. Container cu gasolin extra (ta peligroso) pone den un lugar sigur y tene cuidao ora di yena generator cu motor cayente.
6. Percursa pa durante marcha e gruponan keda cera. Laga bo grupo duna un impresion ordena y disciplina.
7. No para pa sacamento di potret. Si muziek stop sigui cana.
8. No tira botter, bleki of otro cos duro den publico.
9. No laga hende burachi drenta sigui den bo grupo, ni laga nan funciona como chofer di vehiculo di motor.
10. Paga bon tino ariba muchanan chiquito cu diripiente por subi caminda.

Reglanan pa mirones di Carnaval

1. Sali for di cas tempran, y no warda te ultimo momento pa asina bo tin cu core cu velocidad halto.
2. No parkeer bo auto den centro di ciudad. Corda cu na tur momento polis, ambulance, rode kruis y brandweer mester por yega den centro di stad.
3. Sigui instruccion di polis. Polis tey pa yuda, y si bo coopera, nos carnaval lo termina bon y sigur.
4. No parkeer dilanti entrada of salida. Corda cu otro nan mester por sali. Por ehempel hende cu ta bay trabao, dokter etc.
5. Si bo a para un trailer of un stage canto di caminda, percursa pa bo no viola e reglamentonan stipula door di Comisario di Polis.
6. No subi sinta, ni para ariba propiedad di otro hende, manera muraya, dak, of lugarnan peligroso, ariba e ruta.
7. Hendenan grandi ariba e ruta tene cuenta cu muchanan chiquito, bieunan y invalidonan. Laga nan para dilanti. Paga bon tino constantemente ariba muchanan chiquito.
8. Si bo ta bebe alcohol, percursa pa bo tin un hende cu no ta bebe alcohol pa stuur hiba bo cas despues di parada. Percursa cu bo trailer, truck etc. ta ilumina ora bo ta regresa cas.
9. Durante di e parada, no subi caminda ni cana bay bini ariba e ruta y sigur no ora gruponan ta pasando. Keda ariba e trailer of mirador. No stop e parada innecesariamente pa bo saca potret. Esaki ta ocasiona buraconan den e parada.
10. No tira botternan bashi of blekinan ariba caya. Despues di parada laga e lugar caminda bo tabata para limpi.